

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 42. i 46. Zakona o izvršavanju Budžeta Zeničko-dobojskog kantona za 2022. godinu, („Službene novine Zeničko-dobojskog kantona“, broj: 1/22), na prijedlog Ministarstva za privredu, Vlada Zeničko-dobojskog kantona, na 140. sjednici, održanoj dana 04.02.2022. godine, d o n o s i

Z A K L J U Č A K
o usvajanju Programa utroška budžetskih sredstava od koncesija
Ministarstva za privredu u 2022. godini

I.

Usvaja se Program utroška budžetskih sredstava od koncesija Ministarstva za privredu u 2022. godini u iznosu 4.580.000,00 KM (slovima: četirimilionapetstotinaosamdesthiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zaključak stupa na snagu danom donošenja.

Broj: 02-11-1781/22

Datum, 04.02.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za privredu,
1x Ministarstvo finansija,
1x a/a.



PROGRAM
UTROŠKA BUDŽETSKIH SREDSTAVA OD KONCESIJA
MINISTARSTVA ZA PRIVREDU U 2022. GODINI

Zenica, januar 2022. godine

1. ZAKONSKI OSNOV ZA DONOŠENJE PROGRAMA UTROŠKA BUDŽETSKIH SREDSTAVA OD KONCESIJA MINISTARSTVA ZA PRIVREDU U 2022. GODINI

Izrada Programa utroška budžetskih sredstava od koncesija Ministarstva za privredu u 2022. godini propisana je članovima 42. i 46. stav 1. Zakona o izvršavanju Budžeta Zeničko-dobojskog kantona za 2022. godinu ("Službene novine Zeničko-dobojskog kantona", broj: 1/22).

Budžetom Zeničko-dobojskog kantona za 2022. godinu, („Službene novine Zeničko-dobojskog kantona“, broj: 1/22) odobrena su finansijska sredstva u ukupnom iznosu 4.580.000,00 KM (slovima: četirimilijonpetstotinaosamdestilijada konvertibilnih maraka) na sljedeći način:

- ekonomski kod 615 100 (IAD002)-Kapitalni transferi drugim nivoima vlasti u iznosu 1.700.000,00 KM,
- ekonomski kod 614 100-Tekući transferi drugim nivoima vlasti, odnosno subanalitika (IAD002)- Realizacija projekata Vlade koji se finansiraju iz prihoda od koncesija u iznosu 50.000,00 KM,
- ekonomski kod 613 900- Ugovorene i druge posebne usluge, odnosno subanalitika (IAD002)-Ostale ugovorene usluge- Realizacija projekata Vlade koji se finansiraju iz prihoda od koncesija u iznosu 30.000,00 KM,
- ekonomski kod 614 100- Tekući transferi drugim nivoima vlasti, odnosno subanalitika (IAD001)- Tekući transfer općinama po osnovu prihoda od koncesija u iznosu 2.800.000,00 KM.

Izvori finansijskih sredstava po osnovu koncesionih naknada utvrđeni su koncesionim ugovorima potpisanim između Ministarstva za privredu i privrednih subjekata koji realiziraju koncesione projekte istraživanja i eksploatacije mineralnih sirovina na području Zeničko-dobojskog kantona.

Raspodjela prihoda od koncesione naknade vrši se prema Odluci Vlade Kantona o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija ("Službene novine Zeničko-dobojskog kantona", broj: 1/13), na način da omjer 70% prikupljenih sredstava pripada općinama/gradovima (JLS) na čijoj teritoriji se nalazi koncesiono polje, a 30% Kantonu.

Ovaj program usaglašen je sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

2. NAČIN REALIZACIJE

Imajući u vidu raspoloživa sredstva, Ministarstvo za privredu je planiralo utrošak utvrđenih sredstava na sljedeći način:

2.1. Sufinansiranje uspostavljanja industrijskih/poslovnih zona

Iznos: 1.700.000,00 KM

Svrha:

Ministarstvo za privredu je sačinilo Projekat organizacije poslovnih zona na području Zeničko-dobojskog kantona. U proteklih godinama, Ministarstvo je sufinansiralo izradu projektne dokumentacije, izgradnju komunalne infrastrukture kao i otkup zemljišta u svrhu osnivanja/proširenja poslovnih zona na području Zeničko-dobojskog kantona. Ministarstvo je ove godine planiralo izdvojiti sredstva za sufinansiranje troškova organizacije i izgradnje poslovnih zona na području Zeničko-dobojskog kantona.

Organizacija – primalac: Općine/Gradovi (JLS) Zeničko-dobojskog kantona

Kriterij: Ministarstvo će raspisati javni poziv za dodjelu sredstava u skladu sa Uputstvom o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona na koje Vlada Zeničko-dobojskog kantona daje saglasnost, članom 29. stav (2) Zakona o izvršavanju Budžeta Zeničko-dobojskog kantona za 2022. godinu, koristeći Smjernice o minimalnim standardima dodjele budžetskih sredstava putem transfera i

subvencija („Službene novine Federacije BiH”, broj: 15/18), u mjeri u kojoj je primjenjivo, kako je utvrđeno članom 47. Zakona o izvršavanju Budžeta Zeničko-dobojskog kantona. Javni poziv, će u skladu sa Uputstvom o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona, tačkom 23.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

Realizacija ciljeva: Realizovati projekte sufinansiranja uspostavljanja poslovnih zona

2.2. Projekti koji se finansiraju iz prihoda od koncesija

Iznos: 50.000,00 KM

Svrha:

Ministarstvo za privredu je planiralo sufinansirati dio troškova projekata koji se odnose na uspostavu poslovne zone na području Zeničko-dobojskog kantona.

Organizacija – primalac: Općine/Gradovi (JLS) Zeničko-dobojskog kantona

Kriterij uspostavljen u: Javnom pozivu

Realizacija ciljeva: Realizirati projekte

2.3. Provođenje postupaka dodjele, nadzora i realizacije koncesionih ugovora

Iznos: 30.000,00 KM

Svrha:

U skladu sa Zakonom o koncesijama (Prečišćeni tekst) („Službene novine Zeničko-dobojskog kantona“, broj: 5/03), te Pravilnikom za ocjenu najpovoljnije ponude za dodjelu koncesija za istraživanje i eksploataciju mineralnih resursa („Službene novine Zeničko-dobojskog kantona”, broj: 3/03), Ministarstvo provodi postupak dodjele koncesije putem Komisije za procjenu javnog interesa i Komisije za dodjelu koncesije za istraživanje i eksploataciju mineralnih resursa koje formira ministar. Komisije čine predstavnici ministarstava Kantona i predstavnik jedinice lokalne samouprave na čijem lokalitetu se razmatra mogućnost dodjele koncesije.

Svi koncesioni ugovori sadrže i obavezu kontrole i utvrđivanja eksploatisanih količina mineralnih i drugih sirovina. Posebno značajno je utvrđivanje eksploatisanih mineralnih sirovina sa predstavnicima privrednih subjekata (koncesionara). Stoga je neophodno povremeno izvršiti kontrolna geodetska mjerenja kamenoloma, koje vrše isključivo ovlaštene organizacije. Izbor izvođača geodetskih mjerenja vrši se shodno Zakonu o javnim nabavkama.

Pored navedenog, dio sredstava će se utrošiti za finansiranje Komisije za procjenu javnog interesa i Komisije za dodjelu koncesije za istraživanje i eksploataciju mineralnih resursa.

Organizacija – primalac: Najpovoljniji ponuđač za provođenje geodetskih mjerenja i komisije

Kriterij: Elementi utvrđeni Javnim pozivom i Odluke Vlade Kantona

2.4. Transfer općinama po osnovu prihoda od koncesija

Iznos: 2.800.000,00 KM

Svrha:

Odlukom Vlade Kantona o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija (“Službene novine Zeničko-dobojskog kantona”, broj: 1/13) regulisano je da se naknade po osnovu potpisanih koncesionih ugovora raspoređuju na način da omjer 70% prikupljenih sredstava pripada općinama/gradovima (JLS) na čijoj teritoriji se nalazi koncesiono polje, a 30% Kantonu. Navedeni omjer 70% od prikupljenih sredstava isplaćuje se po osnovu ove tačke Programa.

Organizacija – primalac: Općine/Gradovi (JLS) Zeničko-dobojskog kantona na čijoj teritoriji se nalazi koncesiono polje

Način i procedura prenosa: Po osnovu izvještaja Ministarstva finansija o uplati koncesione naknade, Ministarstvo za privredu izrađuje nalog za uplatu 70% od uplaćenog iznosa JLS na čijem području se nalazi koncesiono polje.

3. REKAPITULACIJA

R.br.	Naziv	Planirana sredstva /KM/
1.	Sufinansiranje uspostavljanja industrijskih/poslovnih zona	1.700.000,00
2.	Projekti koji se finansiraju iz prihoda od koncesija	50.000,00
3.	Provođenje postupka dodjele, nadzora i realizacije koncesionih ugovora	30.000,00
4.	Transfer općinama po osnovu prihoda od koncesija	2.800.000,00
UKUPNO		4.580.000,00

Pojedinačni trošci sredstava, izuzev ranije stvorenih obaveza gdje je to već učinjeno, regulisat će se posebnim aktima, koji će sadržavati kriterije i način trošenja sredstava.

Broj: 02-11-1781/22
Datum, 04.02.2022. godine
Zenica

PREMIJER

Mirnes Bašić

DOSTAVLJENO:
1x Ministarstvo za privredu,
1x Ministarstvo finansija,
1x a/a.